

হাজ্জ ও ‘উমরাহর রুক্ন সমূহ

‘ইবাদাতের ক্ষেত্রে রুক্ন বলা হয় সেই সব কাজ বা বিষয়কে, যেগুলো পালন ব্যতীত ‘ইবাদাত বাতিল হয়ে যায় এবং ‘ইবাদাত সঠিক বা বিশুদ্ধ হওয়ার জন্য যেগুলো সম্পাদনের কোন বিকল্প নেই।

হাজ্জ বা ‘উমরাহর রুক্ন হলো সেই সব কাজ বা বিষয়, যেগুলো পালন ব্যতীত হাজ্জ বা ‘উমরাহ আদায় হয় না বরং তা বাতিল হয়ে যায়।

‘উমরাহর রুক্ন তিনটি- ১। ইহরাম ২। তাওয়াফ ৩। ছা‘য়ী

হাজ্জের রুক্ন চারটি- ১। ইহরাম ২। তাওয়াফ ৩। ছা‘য়ী ৪। ‘আরাফাহতে অবস্থান।

হাজ্জের প্রথম রুক্ন হলো ইহরাম।

ইহরাম কি, ইহরাম বলতে কি বুঝায়?

ইহরাম হলো হাজ্জ কিংবা ‘উমরাহ অথবা উভয়টি সম্পাদনের কাজে অনুপ্রবেশের দৃঢ় সংকল্প (নিয়্যাত) করা এবং তজ্জন্য ইহরামের কাপড় গায়ে জড়ানো, আর মুখে শুধুমাত্র হাজ্জ করতে চাইলে “আল্লাহুমা লাক্বাইকা বি হাজ্জিন” আর ‘উমরা করতে চাইলে “আল্লাহুমা লাক্বাইকা বি ‘উমরাতিন” অথবা হাজ্জ এবং ‘উমরাহ দু’টো আদায় করতে চাইলে “আল্লাহুমা লাক্বাইকা বি হাজ্জিন ওয়া ‘উমরাতিন” বলা।

অন্তরের দৃঢ় সংকল্প বা নিয়্যাত ছাড়া ইহরাম হবে না। রাছুলুল্লাহ ﷺ বলেছেন:-

إِنَّمَا الْأَعْمَالُ بِالنِّيَّاتِ وَإِنَّمَا لِكُلِّ امْرِئٍ مَا نَوَىٰ.^১

অর্থ- কাজ হলো নিয়্যাত দিয়ে (অর্থাৎ-কাজের ফলাফল নিয়্যাতের উপর নির্ভরশীল)। প্রত্যেক লোক নিয়্যাত অনুযায়ী কর্মের ফলাফল লাভ করবে।^২

আর যেহেতু নিয়্যাতের সম্পর্ক হলো অন্তরের সাথে, তাই কেউ যদি মনে প্রাণে হাজ্জ সম্পাদনের নিয়্যাত করে থাকে আর মুখে ‘উমরাহ’র তালবিয়াহ অর্থাৎ “لبيك بعمره” (লাক্বাইকা বি ‘উমরাতিন) উচ্চারণ করে ফেলে, কিংবা কেউ যদি মনে প্রাণে ‘উমরাহ সম্পাদনের নিয়্যাত করে থাকে আর মুখে যদি সে হাজ্জের তালবিয়াহ অর্থাৎ “لبيك بحج” (লাক্বাইকা বি হাজ্জিন) বলে ফেলে, তাহলে এ ব্যাপারে আয়িম্যায়ে কিরামের সর্বসম্মত অভিমত হলো- সে ব্যক্তি অন্তরে যা নিয়্যাত করবে সেটি আদায় করাই তার উপর ওয়াজিব হবে,

১. متفق عليه

২. সাহীহ বুখারী ও সাহীহ মুছলিম

এক্ষেত্রে মুখের উচ্চারণটি ধর্তব্য নয়।

হাজ্জের দ্বিতীয় রুক্ন হলো- ‘আরাফাহতে অবস্থান। ‘আরাফাহ’র দিন অর্থাৎ ৯ই জিলহাজ্জ সূর্য পশ্চিম দিকে হলে যাওয়ার পর থেকে ১০ই জিলহাজ্জ ফোরবানির দিন ফাজ্জর প্রকাশিত হওয়ার পূর্ব পর্যন্ত সময়ের মধ্যে অবশ্যই ‘আরাফাহতে অবস্থান করতে হবে। যদি কেউ এই সময়ের মধ্যে ‘আরাফাহতে অবস্থান না করে তাহলে তার হাজ্জ আদায় হবে না বরং তা বাতিল হয়ে যাবে।

কেননা আল্লাহ ﷻ ইরশাদ করেছেন:-

فَإِذَا أَقَضْتُمْ مِنْ عَرَفَاتٍ فَادْكُرُوا اللَّهَ عِنْدَ الْمَشْعَرِ الْحَرَامِ^৩

অর্থাৎ- অতঃপর যখন তোমরা ‘আরাফাহ থেকে প্রত্যাবর্তন করবে তখন পবিত্র স্মৃতি স্থানের নিকট আল্লাহকে স্মরণ করো।^৪

যেহেতু এই আয়াতে ‘আরাফাহ থেকে ইফাযাহ তথা প্রত্যাবর্তন বা ফিরে আসার কথা বলা হয়েছে তাই তা প্রমাণ করে যে, ‘আরাফাহতে অবস্থান করতে হবে। কেননা কোথাও অবস্থান না করলে সেখান থেকে প্রত্যাবর্তনের প্রশ্ন উঠে না।

এ ছাড়া মুছনাদে ইমাম আহমাদ সহ অন্যান্য ছুনান গ্রন্থে বর্ণিত রয়েছে যে, রাছুলুল্লাহ ﷺ বলেছেন:-

الْحَجُّ عَرَفَةَ الْحَجُّ عَرَفَةَ الْحَجُّ عَرَفَةَ^৫

অর্থ- হাজ্জ হলো ‘আরাফাহ, হাজ্জ হলো ‘আরাফাহ, হাজ্জ হলো ‘আরাফাহ (অর্থাৎ হাজ্জ হলো ‘আরাফাহতে অবস্থান)।^৬

ছুনানু আবী দাউদের বর্ণনায় ‘আব্দুর রাহমান ইবনু ইয়া‘মুর থেকে বর্ণিত, রাছুলুল্লাহ ﷺ বলেছেন:-

الْحَجُّ عَرَفَةَ، فَمَنْ جَاءَ قَبْلَ صَلَاةِ الْفَجْرِ مِنْ لَيْلَةِ جَمْعٍ، فَقَدْ تَمَّ حَجُّهُ.^৭

অর্থ- হাজ্জ হলো ‘আরাফাহর দিন। যে ব্যক্তি ফোরবানির রাতে ফাজ্জরের নামাযের পূর্বে ‘আরাফাহতে পৌঁছে

৩. سورة البقرة- ১৭৮

৪. ছুরা আল বাক্বারাহ- ১৯৮

৫. مسند الإمام أحمد

৬. মুছনাদে ইমাম আহমাদ

৭. سنن أبي داود

গেল, তাহলে তার হাজ্জ সম্পন্ন হয়ে গেল।^৮

হাজ্জের তৃতীয় রুকন হলো- তাওয়াফে ইফাযাহ। এটাকে তাওয়াফে যিয়ারাহও বলা হয়। ১০ই যিলহাজ্জ (ক্বোরবানির দিন) সকাল থেকে জিলহাজ্জ মাসের শেষ দিন পর্যন্ত যে কোন সময় এই তাওয়াফ করা যায়। এই তাওয়াফ শেষ হলে পরে একজন হাজীর জন্যে হাজ্জকালীন নিষিদ্ধ যাবতীয় কাজ চূড়ান্তভাবে সিদ্ধ তথা হালাল হয়ে যায়।

তাওয়াফে ইফাযাহ হলো হাজ্জের অন্যতম রুকন। এটি সম্পন্ন না করলে হাজ্জ আদায় হবে না। কেননা ক্বোরআনে কারীমে আল্লাহ ﷻ ইরশাদ করেছেন:-

وَلْيَطَّوَّفُوا بِالْبَيْتِ الْعَتِيقِ^৯

অর্থাৎ- এবং অবশ্যই তোমরা বাইতুল্লাহর তাওয়াফ করো।^{১০}

এছাড়া উম্মে ছালামাহ رضي الله عنها থেকে বর্ণিত হাদীছে রয়েছে যে, রাছুলুল্লাহ صلى الله عليه وسلم ওয়াহ্ব বিন যাম‘আহ-কে (ক্বোরবানির দিন (যিলহাজ্জের ১০ তারিখ) বিকেলে সাধারণ পোষাক পরিহিত অবস্থায় দেখতে পেয়ে জিজ্ঞেস করলেন:-

هَلْ أَفْضَنْتَ أَبَا عَبْدِ اللَّهِ

অর্থ- হে আবু ‘আব্দিল্লাহ (ওয়াহ্ব ইবনু যাম‘আহ’র কুনইয়াহ তথা উপাধি ছিল আবু ‘আব্দিল্লাহ) তুমি কি তাওয়াফে ইফাযাহ করেছ? তিনি বললেন-

لَا وَاللَّهِ يَا رَسُولَ اللَّهِ

অর্থ- না, আল্লাহর ক্বছম, আমি তা করিনি হে আল্লাহর রাছুল! তখন রাছুলুল্লাহ صلى الله عليه وسلم তাঁকে বললেন:-

انْزِعْ عَنْكَ الْقَمِيصَ

অর্থ- তুমি (পরনের সাধারণ) জামা খুলে ফেলো (এবং ইহ্রামের কাপড় পরে নাও)।

ওয়াহ্ব ইবনু যাম‘আহ رضي الله عنه সাথে সাথে মাথা থেকে কাপড় সরিয়ে নিলেন এবং তার সাথে যিনি ছিলেন

৮. ছুনানু আবী দাউদ

৯. سورة الحج - ২৭

১০. ছুরা আল হাজ্জ - ২৯

তিনিও তার মাথা থেকে কাপড় সরিয়ে নিলেন। অতঃপর ওয়াহ্ব ইবনু যাম‘আহ رضي الله عنه রাছুলুল্লাহ-কে صلى الله عليه وسلم জিজ্ঞেস করলেন- “لِمَ يَا رَسُولَ اللَّهِ” অর্থ- কেন (এ আদেশ) হে আল্লাহর রাছুল?

রাছুলুল্লাহ صلى الله عليه وسلم তাকে বললেন:-

إِنَّ هَذَا يَوْمٌ رُحِّصَ لَكُمْ إِذَا أَنْتُمْ رَمَيْتُمُ الْجَمْرَةَ أَنْ تَحْلُوا يَعْنِي مِنْ كُلِّ مَا حُرِّمْتُمْ مِنْهُ إِلَّا النِّسَاءَ فَإِذَا أَمْسَيْتُمْ قَبْلَ أَنْ تَطُوفُوا هَذَا النَّبَيْتِ صِرْتُمْ حُرْمًا كَهَيْئَتِكُمْ قَبْلَ أَنْ تَرْمُوا الْجَمْرَةَ حَتَّى تَطُوفُوا بِهِ. ۱۱

অর্থ- আজকের এই দিনে তোমাদেরকে অনুমতি দেয়া হয়েছে যে, তোমরা পাথর নিক্ষেপের পর শুধুমাত্র স্ত্রী ব্যতীত ইহ্রামের কারণে নিষিদ্ধ অন্য সব কিছু হালাল করে নিতে পার। কিন্তু সন্ধ্যা পর্যন্ত (সূর্য অস্তমিত হওয়ার পূর্বে) যদি তোমরা বাইতুল্লাহর তাওয়াফ (তাওয়াফে ইফাযাহ) সম্পন্ন না কর তাহলে পাথর নিক্ষেপের পূর্বে তোমরা যেভাবে মুহরিম ছিলে (তোমাদের জন্য যা কিছু নিষিদ্ধ ছিল) পূরণায় তোমরা সে অবস্থায় ফিরে যাবে যতক্ষণ না তোমরা তাওয়াফ সম্পন্ন করবে।^{১১}

হাজ্জের চতুর্থ রুকন হলো- সাফা ও মারওয়ার মাঝে ছা‘যী।

হাজ্জ ও ‘উমরাহর চতুর্থ রুকন হলো- সাফা ও মারওয়া পাহাড়দ্বয়ের মাঝে ছা‘যী করা অর্থাৎ দ্রুত সাত বার চকুর দেয়া। এই সা‘যী সাফা পাহাড় থেকে শুরু করা আর মারওয়া পাহাড়ে যেয়ে শেষ করা।

এর প্রমাণ হলো- কোরআনে কারীমে আল্লাহ سُبْحَانَهُ وَبِحَمْدِهِ ইরশাদ করেছেন:-

إِنَّ الصَّفَا وَالْمَرْوَةَ مِنْ شَعَائِرِ اللَّهِ فَمَنْ حَجَّ النَّبَيْتَ أَوْ اعْتَمَرَ فَلَا جُنَاحَ عَلَيْهِ أَنْ يَطُوفَ بِهِمَا ۱۲

অর্থাৎ- নিশ্চয়ই সাফা এবং মারওয়া হলো আল্লাহর নিদর্শন সমূহের অন্তর্ভুক্ত। সুতরাং যে ব্যক্তি বায়তুল্লাহর হাজ্জ বা ‘উমরাহ করবে সে যদি এ দু’টোর তাওয়াফ করে তাহলে তার উপর কোন গুনাহ নেই।^{১২}

এ সম্পর্কে রাছুলুল্লাহ صلى الله عليه وسلم বলেছেন:-

يَا أَيُّهَا النَّاسُ اسْعَوْا فَإِنَّ السَّعْيَ قَدْ كُتِبَ عَلَيْكُمْ ۱۳

১১. رواه أبو داود والحاكم وابن خزيمة وصححه الألبانى.

১২. আবু দাউদ, মুছতাদরাকে হাকিম, সাহীহ ইবনু খুযাইমাহ। শাইখ আল আলবানী رضي الله عنه হাদীছটিকে সাহীহ বলেছেন।

১৩. سورة البقرة- ১০৮.

১৪. ছুরা আল বাক্বারাহ- ১৫৮

১৫. رواه البيهقي والدار قطنى.

অর্থ- হে লোকজন! তোমরা ছা'য়ী করো, কেননা তা তোমাদের উপর ফারয করে দেয়া হয়েছে।^{১৬}

অন্য বর্ণনায় রয়েছে- রাছুলুল্লাহ ﷺ বলেছেন:-

اسْعَوْا فَإِنَّ اللَّهَ كَتَبَ عَلَيْكُمُ السَّعْيَ ۙ^{১৭}

অর্থ- তোমরা ছা'য়ী করো, কেননা আল্লাহ তোমাদের উপর ছা'য়ী আবশ্যকীয় করে দিয়েছেন।^{১৮}

এ ছাড়া 'আয়িশাহ رضي الله عنها থেকে বর্ণিত যে, তিনি বলেছেন-

مَا أَنْتُمْ اللَّهُ حَجَّ أَمْرِي وَلَا عُمْرَتُهُ لَمْ يَطْفُ بَيْنَ الصَّافَا وَالْمَرْوَةِ ۙ^{১৯}

অর্থ- আল্লাহ ﷻ সেই ব্যক্তির হাজ্জ পূর্ণ করেন না যে সাফা ও মারওয়ার মাঝে তাওয়াফ সম্পাদন করে না।^{২০}

যে ব্যক্তি তামাত্বু' হাজ্জ পালন করবে তার জন্য সাফা ও মারওয়ার মধ্যকার ছা'য়ী, তাওয়াফে ইফাযাহ তথা তাওয়াফে ক্বাদূম (বায়তুল্লায় আগমন কালীন তাওয়াফ) সম্পাদনের পরই কেবল করতে হবে, আগে (তাওয়াফে ইফাযাহ সম্পাদনের আগে) করলে চলবে না। পক্ষান্তরে যে ব্যক্তি কিরান বা ইফরাদ হাজ্জ পালন করবে সে ব্যক্তি সাফা ও মারওয়ার মধ্যকার ছা'য়ী তাওয়াফে ইফাযাহ সম্পাদনের পরে যেমন করতে পারে তেমনি ইচ্ছে করলে সে তা এর আগেও (তাওয়াফে ইফাযাহ সম্পাদনের আগেও) করতে পারে। তবে পরে করাটাই উত্তম।

সূত্রাবলী:-

- ১। আল 'আল্লামা আশ্শাইখ 'আব্দুল 'আযীয ইবনু বায رضي الله عنه সংকলিত “আত্-তাহক্বীকু ওয়াল ঈযাহ্--”।
- ২। আল 'আল্লামা আল মুহাদ্দিছ আশ্শাইখ নাসিরুদ্দীন আল আলবানী رحمه الله সংকলিত মানাছিকুল হাজ্জ ওয়াল ‘উমরাহ ফিল কিতাব ওয়াছ ছুন্নাহ ওয়া আ-ছারিছ ছালাফ”।
- ৩। আল 'আল্লামা আশ্শাইখ 'আব্দুল মুহ্বিন হাম্দ আল 'আব্বাদ حفظه الله সংকলিত “তাবসীরুন্ নাছিক বি

১৬. বাইহাক্বী, দারু ক্বোত্বনী

১৭. رواه أحمد و ابن ماجه

১৮. মুছনাদে ইমাম আহমাদ, ইবনু মাজাহ

১৯. رواه البخاري و مسلم

২০. সাহীহ বুখারী ও সাহীহ মুছলিম

আহ্‌কামিল মানাছিক”।

৪। আল ‘আল্লামা আশ্শাইখ মুহাম্মাদ ইবনু সালিহ্ আল ‘উছাইমীন رحمته الله সংকলিত “ আশ্শারহুল মুমতি”।

৫। আশ্শাইখ ‘আব্দুল্লাহ ইবনু ‘আদির্ রাহ্‌মান আল জিবরীন رحمته الله ও আশ শাইখ ‘আব্দুল মুহ্‌ছিন ইবনু নাসির আল ‘উবাইকান رحمته الله সংকলিত “আল মিনহাজ ফী ইয়াওমিয়া-তিল হা-জ্জ”।

৬। আশ্শাইখ জামীল যাইনু رحمته الله রচিত ও সংকলিত “আরকানুল ইছলাম ওয়াল ঈমান”।

৭। আল ‘আল্লামা আশ্শাইখ মুহাম্মাদ ইবনু সালিহ্ আল ‘উছাইমীন رحمته الله রচিত ও সংকলিত “কাইফা ইয়ুআদিল মুছলিমু মানাছিকাল হাজ্জ ওয়াল ‘উমরাহ ওয়া আখতা ইয়াক্বা‘উ ফীহাল হুজাজ”।

৮। “বিদায়াতুল মুজতাহিদ ওয়া নিহায়াতুল মুকতাসিদ” লিল ইমাম মুহাম্মাদ ইবনু আহ্‌মাদ আল কোরতুবী رحمته الله।

৯। “ফিক্‌হুছ ছুনাহ” লিল ‘আল্লামা আছ্ ছায়্যিদ আছ্ ছাবিবু رحمته الله।

১০। “আল ফিক্‌হু ‘আলাল মাযাহিবিল আরবা‘আ” লিশ্শাইখ ‘আব্দুর রাহ্‌মান আল জায়ীরী رحمته الله।